

Հ. Գ. ՄԵԼՔՈՆՅԱՆ, Աղիարենի պետությունը և Հայաստանը, ՀՍՍՀ ԳԱ
հրատարակչություն, Երևան, 1980, 274 էջ:

Հայաստանի պատմության ուսումնասիրությունը հասել է այնպիսի աստիճանի, որ չի կարելի գոհանալ լուրջ հայկական լեռնաշխարհի պատմության հետազոտությանը, այլ անհրաժեշտ է մանրակրկիտ ուսումնասիրել Մեծ Հայքին անմիջականորեն սահմանակից երկրների պատմական ճակատագիրը և դրանց փոխհարաբերությունները հայոց թագավորության հետ Այս առումով Հ. Մելքոնյանի մենագրությունը խիստ այժմեական է:

Աղիատությունը բաժանված է երեք մասի. Առաջին մասի երկու գլուխներում հեղինակը շարադրում է Աղիարենի մայրաքաղաք Արբելայի պատմությունը՝ սկսած հեռավոր դարերից, իսկ Աղիարենի թագավորության պատմական անցքերի ընթացքը՝ մ. թ. ա. II դ.—մ. թ. I դ.:

Հնագույն դարերից Հայկական լեռնաշխարհի հարավ-արևելյան կողմում, Ասորեստան կոչված երկրամասի այն հատվածում, որն ընկած է Տիգրիս գետի երկու վտակների՝ Փոքր և Մեծ Զարիի միջև, եղել է Արբելա քաղաքը, որը հիշատակված է դեռ ասորաբաբելական սեպագիր արձանագրություններում, Այստեղ բնակվել են խուրրիներ, որոնք այստեղ են հաստատվել մ. թ. ա. III հազարամյակի սկզբին: Երբ հզորանում են Բաբելոնն ու Ասորեստանը, այստեղ բնակություն են հաստատում սեմական ցեղեր, մասնավորապես որ Դուր Շարրուինն ու Նինվե քաղաքներն էլ գտնվում էին այդ տարածության վրա, որը հետագայում կոչվեց Աղիարեն կամ Աղիարենն: Ասորեստանի հզորացման շրջանում Արբելան ծաղկում է որպես առևտրական կարևոր հանգույց: Ասորեստանի արքաների համար այդ քաղաքն այնքան նվիրական էր, որ ռազմաքաղաքական նախնիներն Արբելայի Իշտար դիցուհու կամքն էին հայցում, նամանավանդ, որ մեհյանին աղբյուր կար աստղադիտարան:

Ասորեստանյան լեռնապետության կործանմանը մասնակցել են բազում ժողովուրդներ, որոնց հետ էին նաև հայերը: Վերջիններս դարերի ընթացքում հաստատվում են Արբելայի շրջապատում, զույգ Զարիի միջև ընկած երկրամասում:

Ասորեստանին և նոր քաղաքական (քաղաքական) թագավորությունների փոխարինած Մարական (Մեդական) և Աքեմենյան իրանական թագավորությունների ժամանակաշրջանում Արբելան այդ պետությունների գերիշխանության ու լուծության դեմ պայքարի ամրոց էր դարձել, որի մասին ակնարկ կա Դարեհ արքայի Բեհիսթունյան արձանագրություններում: Այս դարաշրջանում երկիրը կոչվում էր Աթուրիա (Ասորեստան):

Հեղինակը մանրամասն բացատրում է, որ Ասորեստան, Աթուրիա կոչվող այս երկիրը Սելևկյան տիրապետության ժամանակ սկսել է աստիճանաբար անվանվել Աղիարեն: Այդ երկիրը նեղ իմաստով կոչելու համար հույն պատմագիրներն օգտագործել են Արբելիտիս տեղանունը՝ մայրաքաղաքի անվանումով: Աղիարեն անվան ծագման մասին եղել են ավանդույթներ, որոնցից մեկը հաղորդում է Ամմիանոս Մարկելլինոսը (IV դ.): Սակայն հեղինակը հենվելով Ստրաբոնի այն տեղեկության վրա, թե Մեծ Զարը կոչվել է Լիկոս (գալլ), իսկ այլ աղբյուրների համաձայն Դիարա, որը նույնպես ասորերեն զայլ է նշանակում, հանգել է այն եզրակացության, որ Մեծ Զարի Դիարա անունից էլ երկիրը կոչվել է Աղիարեն (Աղիարենն): Սա կարևոր եզրակացություն է, որն արժանի է ընդգծման:

Աղիարենի Սելևկյան պետության կազմում եղել է մոտավորապես երկու դար: Սակայն այս տերության դեմ գյուրի բարբարոսների պարթևները, որոնց առաջնորդ Արշակը մ. թ. ա. 247 թ. հուլիվեց արքա և ստեղծեց մի ընդարձակ պետություն: Մյուս կողմից, հռոմեական լեգեոնները ենթուծեցին Փոքր Ասիա և մ. թ. ա. 190 թ. Մազեհդիայի ճակատամարտում վճռական հաղթանակ տարան Սելևկյանների դեմ: Դրանից անմիջապես հետո Հայաստանում կազմվեց Արտաշեսյանների հզոր թագավորությունը, որի ստեղծումը նպաստեց երկրի հարավում նոր քաղաքական միավորների զույգմանը: Ստեղծվեցին Օսրոենե (Ռոմեոսի մայրաքաղաքով), Հատրենե և Աղիարենե թագավորությունները, որոնք, սակայն, պարթևական պե-

ություն քաղաքական ազդեցության ոլորտում էին գտնվում: Ըստ Հ. Մելքոնյանի, Ադիա-
րենի թագավորությունը ստեղծվել է հավանաբար մ. թ. ա. 123 թ.:

Բացի նվաճելու ձգտումից, պարթևները հրապուրված էին նաև Արբելայի առևտրական
կարևոր հանգույց լինելու հանգամանքով: Արբելան գտնվում էր միջազգային առևտրական
կարավանային մայրուղիների վրա, որոնք հին աշխարհում նշանավոր «մետաքս» հանապար-
հի մասն էին կազմում և որի վրայով Զինաստանից բերում էին հախճապակի ու մետաքս
և միաժամանակ հակառակ ուղղությամբ տանում էին այլ ապրանքներ:

Շուտով արևելյան աշխարհում առաջինը իջավ մի նոր քաղաքական ուժ՝ Տիգրան Մեծի
հզոր հայկական տերությունը, որը մեծ փոփոխություններ մտրեց ժամանակի քաղաքական
կյանքում: Կովկասյան լեռներից մինչև եգիպտոսի սահմանները ձգվող հայկական կայսրու-
թյունը, քնականաբար, պիտի ընդգրկեր նաև Ադիարենը, որն անմիջապես զրացի էր Մեծ
Հայքին: Արթայից արքան կառուցելով նոր մայրաքաղաք՝ Տիգրանակերտը, այն շինեցնելու
նպատակով հունական և այլ քաղաքների քնակիչներին վերաբնակեցրել էր իր այս ուստանում:
Պլուտարքոսը վկայում է, որ նորակերտ քաղաքամայրում հաստատվեցին հույներ, ադիարեն-
ցիներ, ասորիներ և այլն: Հետաժուտ լինելով երկրի տնտեսական քարզավաճմանը, մեծ քա-
ղաքացիները հոգ էր տանում միջազգային առևտրական ճանապարհների մասին, որոնց վրա էր
գտնվում նաև Արբելան: Տիգրան Մեծի հզոր տերությունը ծաղկման հնարավորություններ
տվեց իր նահանգներին, որը զարբերի ընթացքում արևելքում և այլուր հայության կատարած
քաղաքակրթիչ դերի մի վկայություն է: Հեղինակը վկայաբեկելով ակադ. Հ. Մանանդյանին,
եզրակացնում է, որ Տիգրան Մեծի օրոք զարգացել էր միջազգային առևտուրը և աշխուժա-
ցիլ քաղաքային կյանքը:

Հ. Մելքոնյանը քննության է առնում նաև այն հարցը, թե ինչպիսի տրամադրություններ
կային Ադիարենում Տիգրան Մեծի օրոք: Հայաստանին հպատակ Ադիարենը և նրա թագավո-
րը միշտ էլ հավատարմ էն եղել նրան: Պլուտարքոսի վկայությամբ, Տիգրանակերտի աղե-
տալի ճակատամարտում արքայից արքայի կողքին, որպես հայոց զորքի ձախ թևի հրամա-
նատար, մինչև վերջ կռվեց Ադիարենի թագավորը:

Որք Տիգրան Մեծը մ. թ. ա. 66 թ. ստիպված հրաժարվեց իր նվաճած նահանգներից՝
պահպանելով միայն Մեծ Հայքի թագավորությունը, Ադիարենը նորից ընկավ պարթևական
Իրանի տիրապետության տակ: Այս շրջանում Ադիարենում հաստատված հայ վերնախավի
որոշ ներկայացուցիչներ փոխադրվում են Հայաստան: Ադիարենի թագավորներն աղբյուրնե-
րում կոչվում են Մանավազաններ: Կարծվում է, որ Հայաստանի Մանավազյան նախարար-
ները այդ տոհմի ճյուղն են կազմում:

Մինչ աշխատության այս մասը, հեղինակի աշխատանքը կրում է ընդհանրացնող բնույթ,
որն անհրաժեշտ էր որսյալ ներածություն և կարող էր ավելի հակիրճ լինել: Սրանից հետո
սկսում է մենագրական մասը, որը հեղինակի տքնաչափ պրպտումների արգասիքն է:

Ադիարենի թագավորության մեջ I դ. կատարված պատմական իրադարձությունների կա-
րևոր աղբյուր են Հովսեփոս Փլավիոսի հունարեն մատյանները: Ենթահիվ այս աղբյուրի, առ-
դեն հակառակ հանգանակների և Ադիարենի թագավորները և նրանց գործունեությունը:

Աշխատության մեջ հետաքրքրական ձևով են նկարագրված կրոնական պայքարն ու տրա-
մադրությունների Ադիարենում և շրջակա երկրներում: I դ.: Պարթևական պետության մեջ,
որն այդ ժամանակ կրոնների մի խաչաձև խճանկար էր, որոշ հովանավորության էր ար-
ժանատի զրադաշտականությունը, մի կրոն, որը Մեծկյան տիրապետության շրջանում թու-
լացել էր: Սակայն պարթևների օրոք Ահուրամազդայի պաշտամունքը միակ կրոնը էր և ար-
քաները հաշվի էին նստում նաև տեղական հին կրոնների հետ: Բարեկյացի ջրմբը դեռ պա-
հում էին իրենց իրավունքները: Կային Բելի և Իշտարի մեհյանները: որոնք իրենց բազում
հիտուորներն ունեին: Հատկապես նշանավոր էր Արբելայի Իշտար դիցուհու մեհյանը: Մեծ
ծուղվորականություն էր վայելում նաև նաև դիցուհու խիտ ուժեղ էին լավ կազմակերպ-
ված հրեական կրոնական համայնքները: Հունական աստվածությունները նույնպես իրենց ու-
րույն տեղն ունեին: Մանավանդ որ պարթևական գրամների վրա կային դրանց պատկերները:

Հին սեմական աստվածությունները իրանականների հետ հաշտեցնելու Պամար գրանք
նույնացնում էին. այսպես՝ Ահուրամազդային համապատասխանում էր Բելը, Միթրային՝ Եա-
մաշը, Իշտարին կամ Նանային՝ Անահիտը և այլն:

Բնական Ազիաբները դիմագրեց զրադաշտականությունը և այլ կրոններին: Այնտեղ տա-
րածվեց այսպես կոչված «հրեական» կրոնը, որն ըստ Հ. Մելքոնյանի ոչ թե բուն մովսիսա-
կանությունն էր. այլ գեթա հրեական միջավայրից շխտրված նախնական քրիստոնեական
համայնքներից մեկը: Անա այս կրոնին էին հարել Ազիաբների թագավոր Իգատեսը և նրա
մայր Հեզինեն:

Իգատեսի օրոք Ազիաբների թագավորությունը որոշակի կշիռ ու հեղինակություն ուներ,
երբ պարթևների Արտավան Գ արքան իր հակառակորդներից փախչելով ապաստանեց Իգա-
տեսի մոտ. սա օգնեց նրան՝ վերստանալու թագավորական զաճը: Այդ ժամանակներում պար-
թևները Մեծ Հայքի թագավորությունից խլելով Հայկական Միջագետք ու Արուստան (Մըծ-
բին կենտրոնով) Կահանքները՝ դրանք տվեցին Ազիաբներին:

Ազիաբների թագավոր Իգատեսի ավագ եղբայր Մոնոբազը (Մանավազ) նախարարների
օգնությամբ պայքարում էր նրա դեմ: Շուտով մեռավ Իգատեսը (մոտավորապես 53 կամ
54 թ.) և Մոնոբազ Բ-ն դարձավ թագավոր:

Պարթև Արշակունի Վաղարշ Ա-ի օրոք (51—79) Պարսկաստանի, Հայաստանի ու Ազիա-
բների միջև տեղի ունեցավ համախմբում: Մոնոբազ Բ-ն Վաղարշի ամենամտերիմ զինակից-
ներից էր: Վաղարշը, իր եղբայր Բակուրին Ատրպատականի թագավոր դարձնելուց հետո,
կամեցավ օգտվել Հայաստանում ուժեղացող հակահռոմեական տրամադրություններից, որոշ
համակրանք դասել և անորոշ վիճակում գտնվող հայոց թագավորության զաճին նստեցնել իր
եղբորը՝ Տրդատին: Սկսում է պատերազմը մի կողմից հայերի ու պարթևների, մյուս կողմից՝
Հռոմի միջև, որը վերացավ նրանով, որ 66 թ. Տրդատ Արշակունին դարձավ հայոց թագավոր:

Ըստ էության Մեծ Հայքի թագավորությունն իր ժամանակի երեք հզոր տերություններից
մեկն էր (Հռոմից ու Իրանից հետո) և Ազիաբներն այդ ժամանակաշրջանում այս կամ այն
կերպ կապված է հեղել Հայաստանի հետ: Ազիաբների թագավորներն ակներևորեն Հայաստանի
Արշակունի թագավորների տոհմակից էին: Երբ 65 թ. հայոց առաջին Արշակունի Տրդատ
արքան իր իշխանության հաստատման համար զենում էր Հռոմ, նրա շքախմբում էին նաև Ա-
զիաբների Մոնոբազ թագավորի որդիները:

Հ. Մելքոնյանի մենագրության առաջին մասի երրորդ գլխում քննության է անված Ա-
զիաբներից Հայաստան գաղթած մի քանի նախաբարական տների ճակատագիրը, և ինչքան էլ,
որ դա հետաքրքրական է որպես հեղինակի նեղ մասնագիտական ուսումնասիրությունների
արդյունք, կարելի է ընդունել վերապահությամբ: Բանն այն է, որ Մոնոբազ Բ թագավորի
գլխավորությամբ Ազիաբների զորքերը Տրդատ Ա թագավորի հետ դաշնակցած կռվել էին
ընդդեմ Հռոմի և ահա Ազիաբների նախարարներից ոմանք, ի վարձատրություն իրենց կատա-
րած ծառայությունների, Տողային կայսրաներ ստացան և հաստատվեցին Հայաստանում: Հե-
ղինակը ինքզուրմ է, որ դրանցից պետք է ծագած լինեն, օրինակ, Խորխոռունիների տոհմը,
ինչպես նաև Գնունիների տոհմը, որը «ձերբն» գործակալությունն էր վարում: Հեղինակը
Մովսես Խորենացու հաղորդած «ձերբն» բառը բացատրում է ասորերեն իմաստով՝ որպես
զգեստավորողներ: Մովսես Խորենացին հիշում է նաև, թե հայոց Վաղարշակ արքան Մուկի
նախարարությանը հանձնում է մի մարդու, որի ձեռքի տակ «սրիկաներ» կային: Այս բառը
հեղինակը մեկնում է ասորերեն իմաստով որպես անզեն, մերկ, աքախն՝ գինված զնդերին
ծառայող անզեն մարդիկ:

Աշխատության երկրորդ մասն իր երկու գլուխներով նվիրված է Ազիաբներում պարսկա-
հռոմեական տիրապետության շրջանին: Տրայանոս կայսրը Հայաստան ինքնուրույն հետք
իջավ Վերին Միջագետք և, 116 թ. մտնելով Ազիաբներ, վերացրեց այդ թագավորությունն ու
այն անվանեց Ասորեստան (Ասսիրիա) նահանգ: Ազիաբների վերջին թագավորը՝ Մերաբա-
պեսը, հալանքաբար սպանվեց: Սակայն շուտով մեռավ Տրայանոսը և նրա հաջորդ Հադրիա-
նոս կայսրը հրաժարվեց Տրայանոսի նվաճումներից, հետևելով Օգոստոս կայսեր օրոք ըն-
դունված սկզբունքին: Ըստ որում, Հռոմեական պետության սահմանն արևելքում պետք է լի-
ներ Եփրատը: Մեծ Հայքը շարունակեց մնալ անկախ թագավորություն, իսկ Ազիաբները նո-
րից ընկավ պարթևների տիրապետության տակ և թագավորության փոխարեն դարձավ հա-
սարակ մարզ կամ նահանգ:

Մենագրության խիստ հաջողված հատվածներից է երրորդ մասը, որը նվիրված է եկե-
ղեցական թեմերի կյանքին ու կազմակերպությանը: Այդ դարերում սկսեց քրիստոնեության
լայն տարածումը Մերձավոր արևելքի երկրներում: Ազիաբները, որն իր հակառակորդ միջո-

կապված է հղել Հայաստանին և Օսրոհենին, վերջիններին նման հակադրվելով զրադաշտականությունը, ընդունեց քրիստոնեությունը, որն արդեն II դ. արմատներ էր գցել այդ երկրներում: Ադիարենը ենթակա էր Տիգրոսի նեոստորական կաթողիկոսությանը, որին ենթակա եպիսկոպոսական աթոռներից մեկն էր Արրեյայի մետրոպոլիտությունը:

2. Մեջոնյանի մենագրությունն արժեքավոր ներդրում է հայագիտության առարկեզում: Նա ոչ միայն առաջին անգամ է շարադրում Ադիարենի պատմությունը, այլև տալիս է Հայաստանի ու Ադիարենի դարավոր փոխհարաբերությունների գիտական վերլուծությունը:

Այս հետաքրքրական աշխատությունը, անկասկած, կշահեր, եթե ունենար հին և միջնադարյան աղբյուրների ու զրականության տեսություն և աղբյուրների ու զրականության մանենագիտություն:

ԱՐԱՄ ՏՆՐ-ՂԵՎՈՂԻՅԱՆ

Պատմական գիտությունների դոկտոր